





AWIG-AWIG ADAT

DESA ADAT : Pengeragoan

Clu





AWIGAWIG ADAT

DESA ADAT : P E N G E R A G O A . N

KECAMATAN : P E K U T A T A N .

KABUPATEN : J E M B R A N A .

PROPINSI : B A L I .



DAGING BUKU AWIG-AWIG ADAT
DESA Pengeragoan DAUH TUKAD.

No.	DAGING BUKU	PAWOS	MUKA
1	MURDHA CITA		1
2	<u>SARGA I. ARAN LAN WEWIDANGAN</u>	1	2
3	<u>SARGA II. DASAR LAN TETUJON</u>	2-3	3
4	<u>SARGA III. SUKERTA TATA AGAMA</u>		4
	PALET I. KHAYANGAN	4-9	4-5
	PALET II. INDIK PEMANGKU, SERATI, SUTRI	10-14	6
	PALET III. INDIK LABA PURA/DRUEN PURA	15	7
	PALET IV. INDIK DRUWEN DESA	16	7
	PALET V. INDIK DEWA YADNYA	17-19	8
	PALET VI. INDIK RSI YADNYA	20-24	9-10
	PALET VII. INDIK PITRA YADNYA	25-27	11-12
	PALET VIII. INDIK NGENTASANG SAWO	28	13
	PALET IX. INDIK UPAKARA MENYANGGRA ATIWA TIWA	29	13
	PALET X. INDIK SETRA/TUNON = <i>setro</i>	30-31	14
	PALET XI. INDIK PENANJUNG BATU	32	14
	PALET XII. INDIK SASEBELAN	33-36	15
	PALET XIII. INDIK MANUSA YADNYA	37-38	16
	PALET XIV. INDIK BHUTA YADNYA	39-41	16-18
	PALET XV. INDIK KESUCIAN SUKERTA DESA	42-47	19
5	<u>SARGA IV. SUKERTA TATA PAWONGAN</u>		20
	PALET I. INDIK PAWIWAHAN	48-50	20-22
	PALET II. INDIK PALAS MARABIAN	51-52	23-24
	PALET III. INDIK SENTANA	53-54	24
	PALET IV. INDIK WARISAN	55-60	24-26
	PALET V. INDIK KRAMA ✓	61-63	27
	PALET VI. INDIK NGUSANANG MEKRAMA	64-68	28-30
	PALET VII. INDIK PRAJURU	69-72	30-31
	PALET VIII. INDIK PARUMAN	73-74	31-32
	PALET IX. INDIK KULKUL	75-	32-33
	PALET X. INDIK PENYANGGRA	76	34
	PALET XI. INDIK LELUPUTAN AYAHAN	77	34
	PALET XII. INDIK WICARA	78-79	35
	PALET XIII. INDIK PAMIDANDA <i>f. Si Sip.</i>	80-81	36

PALET XIV. INDIK TATERAGAN	82	37
PALET XV. INDIK NYULURANG NERAG	83	37
PALET XVI. INDIK WENANG LAN TAN WENANG KATERAG	84	37
PALET XVII. INDIK DUSTA MIWAH BAYA	85-87	38
<u>SARGA V. SUKERTA TATA PALEMAHAN</u>		39
PALET I. INDIK TEGAL, KARANG, SAWAH	88-89	39
PALET II. INDIK PEPAYONAN	90	39-40
PALET III. INDIK WEWANGUNAN	91	40
PALET IV. INDIK WEWALUNGAN	92-93	40-41
<u>SARGA VI. RAJA BRANA DRUWEN DESA</u>	94	42
<u>SARGA VII. NGUWAH NGUWUHIN AWIG AWIG/PAMITEGEP</u>		
<u>AWIG AWIG</u>	95-96	42-43
<u>SARGA VIII. PAMUPUT</u>	97-98	43
<u>PANGESAHAN AWIG AWIG</u>		

A U K D H A U I T A .

Desa Adat ring Bali wantah merupa Paguyuban Uma Hindu tur sekadi genah pesayuban Krama Adat rawuhing kulawargan pawongannya manut dresta Desane ke anggehang Bhuwana Agung, pawongannya soang soang pinaka Bhuwana Alit.

Adung patemuan Bhuwana kalih larapan canta jagathita, sinanggeh murdhaning prayojana pangriptaning Awig awig.

Setaning Bhuwana Agung, Desane wantah pawakan " BHAWA MAURIP " jangkep saha Tri hita Karananya luwire:

- a. PAKHYANGAN : seana kayangan panyiwian Desa, genah ngarcana Hyang, maka atman Desane.
- b. PALEMAHAN : tanah kakuwuhan saha agingnya sinanggeh Anggasarira tawulan Desane.
- c. PAWONGAN : warga Desane sami, pawakan Tri kaya, awanan Desane sidha melah ma prawerti.

Majalaran saking panghyaning Ida Sang Hyang Widi saha malayaran manah sane dahating mabuat tur lascarya, Krama Desa Adat Pengeragean, mretaliang paigum midabdab Awig awig Desa Adat sane keanggen dasar pidabdab mecikang pemargan tata kramaning Desa Adate, gumanti sidha memangguh sukerta, trepti miwah kerahajengan sekala lan niskala.

Sejawaning manut Dasar Agama Hindu tan mari taler nganutin Pancasila, Undang undang Dasar 1945, Garis garis Besar Haluan Negara kalih tata Peraturan Pemerintah.

Awig awig Adat puniki saha sampun kecumponin tur kemanggehang ring Desa Adat Pengeragean .-

S A R G A I.
ARAN LAN WEWIDANGAN.

Pawos 1.

1. Desa Adat puniki mewasta Desa Adat PENGERAGOAN DAUH TUKAD.
2. Wates wewengkon Desa Adat Pengeragoan Dauh Tukad puniki:
 - a. Sisi klod : Samudra Indonesia.
 - b. Sisi kangin : Tukad Pengeragoan.
 - c. Sisi kaja : Alas.
 - d. Sisi kauh : Tukad Gumbrih.
3. Wewidangan Desa Adat Pengeragoan Dauh Tukad kepeh dados:

5 (lima) Banjar Adat :

 - a. Banjar Adat Tegeh Kaja.
 - b. Banjar Adat B e j i
 - c. Banjar Adat Dauh jalan.
 - d. Banjar Adat ngandang.
 - e. Banjar Adat Dangin jalan.
4. Manut Tri lingganing Desa Adat Pengeragoan Dauh Tukad pepalihannya manut kesusilaan pastika kadi ring sor puniki:
 - a. Utama mandala : seanan Parhiyangan lan genah Kayangan.
 - b. Madia mandala : karang paumahan, karang, tegal, margi
 - c. Nista mandala : Setra utawi tunon.
5. Wewidangan palemahan Banjar Adat kemanggehang antuk paruman Desa Adat manut munjuk lungsur cacah jiwannya.
6. Banjar Adat kepeh malih dados arahan arahan manut paruman Banjar Adat.
7. Banjar Adat dados ngardi awig awig miwah pararem anggen midabdab ring Banjar.
8. Awig awig Banjar Adat tan dados lempas ring awig awig Desa Adat.
9. Banjar Adat patut medruwe piranti luwire: Bale Banjar Adat, kulkul miwah sane lian liannan.
10. Banjar Adat wenang ngawentenang usaha usaha: ngardi brana miwah wenang mawosin wicara saha niwakang pamutus.

DASAR DAN TETUJUN.

Pawes 2.

1. Desa Adat Pengragean Dauh Tukad puniki ngemanggehang dasar:
 - a. Tri Hita Karana manut tattwaning Bhuwana Agung.
 - b. Pancasila kadi munggah ring pembukaan UUD 1945 . RI.

Pawes 3.

1. Tetujen Desa Adat Pengragean inggih punika :
 - a. Mikukuh miwah ngajegang tata prawerti agamaHindu. ✓
 - b. Ngupadi Jagathita sekala lan niskala.
 - c. Ngajegang tatasangaskaraning pawengan pamekas sane ngiket ✓
pakeluargang.
 - d. Ngajegang kasukertan se raja beranan Desa miwah druwen-
ning pawenganya sami.
 - e. Nincapang kaweruhan I Krama Desa kalih ngelimbakang
ngawerdiang Catur Purusa Artha (Dharma, Artha, Kama, Meksa).
 - f. Nincapang kaweruhan I Krama Desa indik Pedoman Penghayatan
Pengamalan Pancasila (P4).
 - g. Nyarengin ngelaksanayang indik Rencana Wewangunan Peme-
rintah.
2. Ngajegang Kasukertan Desa Adat kalih kabecikan uriping
makerama adat, salunglung sabayantaka, paras pares sane
kajalarin antuk tunggaling idep, wecana tur panglaksana
I Prajuru kalih I Krama.

S A R G A . III.

SUKERTA TATA A G A M A.

Palet 1.

K A Y A N G A N .

pawos 4.

- 1. Sane kemanggehang Kayangan Desa Adat inggih punika :
 - a. Tri Kayangan.
 - b. Pura Kawitan, Pura Segara.
 - c. Pura Prajapati
 - d. Kayangan di Bale Desa.
- 2. Seanan Kayangan Desa Adat kaprabea antuk sang nyungkemin mekadi pangaci, miwah pemiaran
- 3. Kayangan utawi pelinggih penyiwian inucap patut kesangra kesuciannya manut tata Agama Hindu.

Pawos 5 .

- 1. Prajuru Adat patut nuntun ngenterang I Krama Adat ngemanggehang kesucian Kayangan Desane.
- 2. Seanan letuh candala sane tan dados ngeranjing sejeroning Kayangan:
 - a. Jadma luh sebel kandel saheluwire upami: ngeraja sewala, madruwe oka, karuron manut sengker.
 - b. Jadma ~~candala~~ saking pepadaman sadurung tutug panglimijian.
 - c. Sehanan Jadma Patita : panak babinjat, wong bobot kasanggama tan sinangaskara, wong mamitra, wong edan miwah candalane sane sewosan sedurung kalukat keprayastita manut Agama Hindu.
 - d. Jadma sane kapastikayang Panten antuk Prajuru.
 - e. Sato agung sejawaning kalaning mepapada.
 - f. Sehanan barang sane sinanggeh letuh manut Agama Hindu: tulang getih, bok salwir wiwitan watang, layudan pitra yadnya lan sekancan nya.
 - g. Miwah sekancan candalane sane sewosan.
- Sejeronin penyengker Kayangan tan wenang ngelaksanayang:
 - a. Mamisuh kalih wakpurusya sewosan.
 - b. Majaljal, bilih bilh jantos kanin metu rah.
 - c. Mabacin, manyuh, mesanggama miwah prawerti ala sewosan.
 - d. Jadma luh megambahan.
 - e. Mungghah tedun ring palinggih yan tan keparisuda antuk Prajuru.

1. Prabeyan ngaci manggeh kabuatan Desa dat kemedalin antuk Krama.
2. Panumayan widwidana Desa/Banjar dat kasulurang.
3. Prajuru patut mastikayang indik piodalan miwah aci ring Kayangan Desa agung kelawan alit miwah tata pengaksannya.
4. Prajuru patut mastikayang indik sane wenang nyanggra tapakan utawi ilenilen s-ne patut pingitang upami arca, pengawin lan selanturnya.
5. Prajuru patut nitenih mangda pemangku, penyade, serati lan sutri rajeg nganutin sesanannya ring Kayangan, kandugi teteg ke oningannya, saha kepastikayang olih olihannya.
6. Prade wenten sinalih tunggil ngerusak tapakan kalih ilen ilen sane patut pingitang kodanda manut pararem.

P a w o s 7

1. Kramane sane memanggih utawi uning manggwing wenten jadma ngeletuhin Kayangan, patut atur uninge ring prajuru.
2. Prade tan wenten nyadangk punika sinanggeh saruron ring corah.
3. Prade^{tan} wenten katinutin, utawi mamurug larangan inucap wenang kasisipang kapidanda manut pararem.

P a w o s 8

1. Prajurune patut mastikayang indik Kayangan panyiwian pamaksan pakulawargan upami sanggah sanggah sejabak wewidangan Desa sejeroning tata cara ngastitayang kasuciannya patut seeloan ring panyiwian Desa sejawaning sane kerihinan, wantah medruwe dresta sewosan.
2. Yan tan manut kadi munggah ring ajeng, pralingga kayangan inucap tan dados kesarengan rikala samuha/ nyejer ring Dale Agung rikalan pangasangan, pangusaban miwah upacara upacara sewosan.
3. Tanah Plab^a saha upon upon punia kalih seanan druwen Desa sami kepastikayang, keatur miwah ketitenin olih prajuru, anggen kabuwatan Desa Adate.
4. Prajuru mangda mastikayang pemangku sane dados munggah tedun ring Kayangan.

P a w o s 9

1. Prade wenten silih sinunggil Krama Desa ngewentenang Yadnya patut atur uninge ring prajuru Adat.
2. Seanan aci, sabda IKrama Desa patut taler atur uninge ting Prajuru, pemekas ring kayangan panyiwian Desa.
3. I Krama Desa Sane pacang nunas tirta ring Kayangan Desa patut atur uninge ring Prajuru Adat.
4. Pah pahan puniane sane patut katur ke Kayangan keatur manut pararem

INDIK PEMANGKU, SERATI, SUTRI.

P a w o s 10

1. Ring Kayangan Desa Adat patut keadegang Pemangku, serati lan sutri.
2. Kengin taler keadegang; penyade kalih sene lianan manut dudonan.
3. Pemangku, serati lan sutri keadegang melarapan antuk:
 - a. ngelingin saking turunan.
 - b. Kapilih olih I Krama.
 - c. Nunas pawiwus saking Ida Betara.
4. Prabeyan Adiksa widi pemangku, serati, sutri kemedalin olih sang nyungkemin.
5. Prabeyan Pitra yadnya marep ring pemangku. serati, sutri, penyade ring sedane kapungkur kemedalin olih kaluwargannya taler wenten dharma sadhanan Desa Adat.

P a w o s 11

1. Pemangku, serati, sutri, penyade tan kengin keadegang luwire:
 - a. Sang ceda angga (buta, bongol lan sekancannya)
 - b. Gering ila (edan, ayan lan sekancannya)
 - c. Sang medruwe kesucian idep tan becik.
 - e. Jadma sane kebawos nastika (tan ngugonin Sanghyang Agama)
2. Pemangku kewusang dados pemangku taler sutri, serati, penyade yening: tungkas ring sastra agama, tur kesulurang manut perarem.
3. Pemangku sane mamurug sesanan agama kasisipang manut tatwa Desa (nyepuh) ketanggung ngeraga.
4. Sinalih tunggil pemangku ring kayangan kapiambeng, indik pengacine dados kelaksanayang antuk pemangku sane tan kapiambeng luwire: penyade, pemangku sane kemanggehang sejeronning Tm Kayangan.

P a w o s 12

1. Prajuru Desa patut ngawas nitenin para Pemangku, pamuat kesucian linggihnya.

P a w o s 13

1. Swadarman Pemangku, penyade luwire:
 - a. Nuntun ngenterang Krama Desa ngemanggehang kesucian Kayangan.
 - b. Munggah tedun ring palinggih Kayangan penyiwian Desa miwah ngiyasin paralingga pralingga manut pemastian prajuru.
 - c. Nuntun saha nabdabang lan ngilenang yadnyan krama Desa ring Kayangan penyiwian Desa.
 - d. Rajeg nganutin sesanan pemangku.
2. Swadarman serati banten :
 - a. Ngenterang krama Desa sajeroning midabdabin upakara yadnya manut pemastian prajuru.
 - b. Nyanggwa pemangku sajeroning ngilenang upakara yadnya
 - c. Patut ngemanggehang daging plutuk.

P a w o s 14

1. Olih olihan Pemangku, penyade lan serati, serati miwah sutri kasulurang manut pararem Desa.

INDIK LABA / DRUWEN PURA.

P a w o s. 15

1. Tanah tegal, carik sane kadruwe antuk Pura Kayangan Desa Adat ke-wastanin Plaba Pura.
2. Tanah tegak miwah carik druwen Pura patut wenten ilikitannya.
3. Druwen Pura punika patut keenterang antuk Prajuru manut pararem Krama Adat.
4. Pikolih Druwe Pura patut keanggen mecikang, memiara kalih ngupakara kayangan Desa.
5. Druwen Pura tan kengin keadol antuk sapa sira ugi.
6. Nyabran wusan karya petirtan sang ngeraksa druwen Pura patut ngewentenang pasadok ring paruman Desa Adat.
7. Druwen Pura kegarap antuk:
 - a. Pemangku kayangan inucap.
 - b. Prajuru Adat.
 - c. I Krama Adat sareng sami.
 - d. Seka taruna taruni.
8. Pah pahan hasil druwe inucap atenga ke Adat atenge pa nggarap.
9. Tiga sanan ketawurin sareng kalih.

P a l e t IV.

INDIK DRUWEN D E S A

P a w o s 16

1. Sane sinanggeh Druwen Desa Adat Pengeragoan Dauh Tukad luwire:
 - a. Kayangan tiga Desa Adat Pengeragoan Dauh Tukad.
 - b. Plaba plaba Kayangan Tiga Desa.
 - c. Setra utawi tunon.
 - d. Piranti piranti luwire: Bale Desa Adat, kulkul.
 - e. Lelangunan luwire: angklung.
2. Druwen Desa inucap ke among kalih ketitenin olih Krama Adat

INDIK DESWA YADNYA

Pawes 17

- (1) Kayangan kayangan utawi pelinggih pelinggih penyiwian
Adat ring Kebendesaan Adat Pengeragean luwire:
- Pura pengulun setra /Prajapati.
 - Pura Puseh
 - Pura Desa.
 - Pura Dalem.
 - Pura Segara
 - Pura/pelinggih di bale banjar adat.
- (2) Petirtan sewang sewang sesuwunan Desa Adat:
- Prajapati ring Sukra sungsang.
 - Pura puseh ring Buda kliwen Ugu.
 - Pura Desa ring Buda kliwen Ugu.
 - Pura Dalem ring Buda kliwen Sinta.
 - Pura Segara Ngarakasih perangkakat.
 - Pelinggih di Bale Desa ring Tumpek landep.
- (3) Prađe wenten krama desa jaga ngawentenang Dewa Yadnya patut atur uninge ring prajuru.
- (4) Sang meyadnya tan kalugra nunas tirta ring kayangan yan tan wenten bebaskan prajuru.
- (5) Pemangku kayangan taler tan kalugra ngaturang pinunas sang meyadnya yan tan wenten bebaskan prajuru.
- (6) Prađe wenten mamurug patut kedanda manut pararem.

Pawes. 18

- (1) Prajuru adat patut ngicen bebaskan Dewa Yadnyan I Krama Desa
- (2) I Krama Adat patut nyanggra yadnya inucap, ngantes puput.
- (3) Sang me dewa yadnya patut mepiserah ring I Krama Adat indik dewa yadnya nyane.

Pawes 19

- (1) Rikala petirtan ring Kayangan Desa Ikrama Adat sami patut pedek tangkil.
- (2) Prajurune patut mastikayang agung alit petirtan ring Kayangan Desa

INDIK RESI YADNYA

P a w e s. 20

1. Sang pacang mepudgala / meowi jati sejawaning nunas panugrahan ring sang rumawes (Parisada Hindu Darma, Pemerintah) taler patut mesadek ring Bendesa Adat.
2. Sane dades keadegang Sulinggih ;
 - a. Uning ring saastra.
 - b. Uning ring kecaping agama.
 - c. Becik kasucian angga, kasuciaen manah rahunghing prilaksana
 - d. Kecumpepin elih sisia tur pelih penugren ringsang Rumaewes.
3. Sane tan dades ke adegang sulinggih :
 - a. Gedangga.
 - b. Kegeringan lwire : sakit ila , ayan , buduh.
 - c. Ulah cacad : anggarabinnin weng arabi nyeleng aemara.
4. Prebea utawi upakara / upacara ngawentenang (adiksa Widhi). kemedalang antuk ikrama.
5. prade wenten sulinggih. seda taler pengupakaranya kemedalang elih ikrama .

P a w e s, 21

1. Prajuru patut sareng nuzksain nitenin mangda sulur kalih pemargin mangda jati - jati manut ring kecaping agama.
2. Prada wenten sinalih tunggil kanton kamer perjuru inucap patut atur uning ring sang rumawes , mangda panugrahan sang rumaes sida jati - ja ti manut ring kecaping agama.
3. Prajuru Desane mangda sareng nyaksianin pemargin upakara .
4. Sepupute prajuru desane patut di gelis ngentesin parab sang didiksa antuk biseka kawikon manut panugarahan nabennaya saha nyiarang ring paruman adat.

P a w e s. 22

1. Prajuru desane patut nuntun saha ngemanggalain krama desane ngawas ni tenin sepemargan para wikune ring desa patut mikukuhimn kesucian linggihnya.
2. prajurune pemekas kelihan desa (Bendesa) patut di gelis atur uning nabenyau , pradae wenten kecihnan wikusasaring laksana.
3. Atur uning rang ajeng patut kadulurin china anut tri pramana (Bukti Iliki saksi).

4. Daging pemutus bawes sane ketiwak antuk nabanya digelis kesiarang ring paruman banyar miwah desane .
5. Prada pemutus tetuiwake ring ajeng kapineh durung sié tinas apadang prajurune atur supaksa ring sang rumaes (parisada Pemerintah).
6. Tetiwak pemutus nabe asane sampun kesanggra antuk sang rumaes inucap sinanggeh pemutus pastika tan kawicaraan muwah.
7. prajuru 2 ne tan wena ng lumaksana matetiwak ring meraga wiku.

Pawos 23

1. Sang pacang mewiten / pudgala makabuatan pacang memargi ngemangkunin patut mesadok ring kelian banyar miwah kelian desa (Bendesa adat)
2. prajuru 2 inucap patut ngawas nitenin mangda pamargin manut ring kekecap utawi drestane.
3. Prajuru 2 Desane wenang nawang ngalangin prade kecikman sasaring kekecap utawi drestane.
4. Sang tann terima tetiwak inucap dados nunas pematut ring sang rumaes (Parisada Utawi PEMERINTAH).
5. Pemutus bawes sane ketiwakan antuk sang rumawes ring ajeng sinanggeh pemutus pastika tan kewicaraan.
6. Prajuru Desane patut sareng nyaksinán upakaran sang mewinten sepatute, tur digelis kesiarang ring paruman Banjar/Desa tegap rawuhing wates kewenangan pangenter yadnyane sane dados kemargayang manut panugrahan Dang Guru.

P a w e s 24

1. Krama Desane sami patut ngawas nitenin katuntun elih prajurune mangda seanan yadnya sane kewentenang keicen pamuput elih Pandita utawi sajana (Pemangku sakaluwire) anut audenan kadi kewenangannya sewang sewang manut dresta.
2. Prade wenten ngelempasin bilih bilih sane pastika nyumuka Prajurune wenang ngalangin utawi ngurungang yadnya inucap, prade ketelanjur, yadnya saha wasanannya sinanggeh tan wenten sah.
3. Sang ngelempasin utawi duntan nyane patut ketiwakin pamidanda elih prajuru agung alit manut desanne.
4. Prade sang ketiwakin tan tinut ring pamutus prajuru, wenang nunas bawes ring sang rumawes (Parisada utawi Pemerintah).

palet VII

indik pitra yadnya

pawos, 25

- (1) Sang pacang nganggetanon/setra patut manas bebabasan ring perajuru desa pemekas bandesa adt, saha tatara. ngangge mangda manut kadi dresta utawi pituduh praju ruré .
- (2) Warga desa sami pada nitenin mangda letuh setraneten wenten ngelahlah utawi kebakta kedesa pekraman bilih bilih ke Kayangan.
- (3) Sawa sane pacang kegeseng utawi kependem ring setra/tunon, boya sawa warga Desa, patut nawar batu batu panukun setra, agung alit manut perarem.
- (4) Sapasira ugi tan kepatutang mendem utawi ngeseng sawa ring karang paumahan utawi ring desa pekraman, yan mamurug kapidanda manut perarem

Pawos. 26

- 1) Pemargin Pitra yadnya pangupakarannya mantuk ring sang lampus kadi ring sor puniki:
 - a. Mependem pramengin nganutin rahina sane kemanggehang antuk Perarem miwah Prajuru Desa.
 - b. Pengabenan melelet langkung ring 7 rahina saking lampus/padem mangda maupekara tan kantos mambu.
 - c. Pengabenan tan melelet 7 rahina saking lampus/padem
 - d. Sang ngemargiang pengabenan sawane sampun mapendem ring tunon setra dados ngunggehang tumpang sal u ring desa Pekraman, sake wanten mangda kegentosin antuk sawa keresihan.
 - e. Yan wenten wong padem ring jaba Desa Adat dados sawane bakta mantukring karang desa pekraman, sejeroning pacang mutusang indik bebawos ring keluargannya pacang kependem utawi keabenang
 - f. Yan wenten wong padem sejeroning desa adat wong sewos agama hindu tan kedadosang mapendem ring setra/ tunon.
 - g. Yan wenten wong padem ring desa adat Pengeragoan tan wenten ngelingang sejeroning ekajeng, sesampun kauningang ring sang rumawos patut sawa punuka kependem ring setra manut tata agama hindu.
- 2) Tan kalugra mendem sawa ring rahine:
 - a. Purnama, tilem, rerahinan jagat.
 - b. Petirtan ring kayangan tiga Desa, miwah sane sewosan manut dresta.

- (3) Tan kalugra ngeraksa sawa ritatkala jagate keberebehan utawi kegeringan
- ((4) Yan wenten ngelaksanayang Pitra Yadnya tan kalugra ngelantur sadurung sane ngaben rihinan mesesapuh.
- (5) Yang wenten kalaning ngaben ngebet sawa, ring rehinc ngebet tan kalugra mendea sawa.

Pawos. 27

- (1) I Krama sane pacang atiwa tiwa patut nunas bebasan rin Prajuru.
- (2) Prajuru patut nitencin tur nuntun mangda yadnya punika tan nyentulin kesukertan desa Pekraman.
- (3) Pekaryan atiwa tiwa utawi ngupakara sawa patut kesukserah ring Desa/ Banjar manut dresta miwah perar em.
- (4) Banjar samakut a nyanggr a utawi ngewehin bebasan manut pararem.

Pawos.

- (1) Yening wenten Ikrama Adat medruwe kaluarga pedem, Krama adat patut ngemedalang peson peson akehnya manut paerarem.
- (2) Rikala ngusung sawa, bade, lembu lan sepanunggalanya ngawanang rusak tur ngawanang letek^{ya} anyan sang mekarya, parade wenten asapunika patut kapidanda manut pa' rarem.
- (3) Sang meyadnya tan wenang ketegenin sane ngawanang tan sida antuk negen luwire:
- a. panguing mangda keanutan ring agung elit yadnya sang meyadnya
 - b. Upakara/upecara sang meyadnya mangda anut ring padruweanya
- Nista, M^{radia} , Utama.
- (4) Sapasira sejeroning nyanggra pekaryan sang ngelaksanayang Pitra Yadnya(Ngaben , atiwa tiwa) jantos ngawanang rusak kadi pawos no. 2 diajeng wenang kapidanda manut pararem.

Palet VIII

INDIK NGENTASANG SAWA

Pawes. 28

1. Ngentasang sawa kepatutan ring pekarangan kadi pemedalan wantah mula dades pemargin, yadiastun pemeletasan sewes.
2. Ngentasang sawa ring tegal, carik anak lian patut:
 - a. Nunas bawes ring prajuru Adat
 - b. Tanah tegal, carik sane kemarginin sawa patut keprayascita elih sang medruwe sawa.
3. Ngentasang sawa ring tukad, pangkung, telabah tan keni upacara prayascita.
4. Padem ring tanah, carik anak lian patut keprayascita antuk sang medruwe sawa.
5. Yan wenten sawa sane tan wenten kejantenang anak sane medruwe sawa punika patut keupakara antuk I Krama Adat sesampune pelih bebasan saking guru wisesa.

Palet IX

INDIK UPAKARA LAN NYANGGRA ATIWA TIWA.

Pawos 29

1. Bacakan yusan jadma sane kengin kalih tan kengin tuwekin upakara ngaben :
 - a. Sawa wong rare durung mayusa 3 (tigang) sasih
 - b. Sawa wong rare sane mayusa langkung ring 3 (tigang) sasih durung makupak dades ngelungah.
2. Pekaryan atiwa tiwa upakara sawa patut kesukserah ring Krama Adat
3. Adate samakuta nyanggra utawi ngewehin bebasan manut awig awig.

INDIK SETRA/TUNON.

Pawes. 30

1. Setra wenten kalih sereh :
 - a. Setra/ sema/
 - b. Setra bebajangan/ sema rare.
2. I Krama Adat/prajuru medruwe wewenang ngatur, memecikang, miara kalih midadab pemendeman, peleben ring setra manut pararem.
3. Pemendeman, paleben kalih awak uwakan sawa ring setra manut pararem nenten kedadesang yening nemenin:
 - a. Purnama , tilem.
 - b. Nemenin petirtan ring Kayangan.
 - c. Tan kedadesan mekajang, ngelangkungin.
 - d. Nginepang bangbang.
 - e. Tan dades mengkar tetaneman lian.
4. Prade wenten mamurug patut kedanda manut pararem.

Pawes. 31

1. Prade wenten pemendeman, paleben lintangan ring adiri arahina sema tunggal, sane nampekan ring setra memargi rihinan.
2. Prade wenten mendem sawa ring paleben pengabenan arahina sema tunggal patut pemendeman rihinan tan ngitung deh nampek ring setra
3. Prade wenten jadma salah pati, ngulah pati sawane sedurung kependem dades ngeranjing kepekubenan, taler jadma sakit ila.
4. Rare sane mayusa 105 rahina durung tumbuh untu patut pendem pramangke.

Palet XI

INDIK PENANJUNG BATU:

Pawes. 32

1. Prade wenten sawa pacang kependem/kegeseng ring setra beya wantah warga Banjar, patut nawur penanjung batu, penu kun setra agung alit a nut pararem.
2. Prade wenten sawa wong lian Desa jaga kependem/ kegeseng/keaben ring setra/tunon patut pelih kebebasan saking prajuru Adat.

P A L E T . XII

I N D I K S E S E B E L A N .

Pawes. 33

- (1). Pengambilan sesebelan ring banyar / Deasa adat , yan sawane mapadem ngawit saking mapadem jantes (tigang rahina).

Pawes. 34

Yaning pengabenan , ngambil sebel ngawit saking ngulapim/ ngangkid jantes (tigang rahina) saking pakutangan utawi paleburan.

Pawes. 35

Sane ken i sesebelan ngarep , kengin ngemanggehang catur cu taka ketentuan aspek seminar kesatuan tafsir.

Pawes. 36

Sang sane kejantenang sebel kadi inucap ring ajemng ketuju wentwen upakara ring khayangan , ipun kaluputang saking ayahan / pesen - pesen naging keni peturunan.

Palet XIII

INDIK MANUSA YADNYA.

Pawes. 37

- (1) Sang megama Hindu patut ngelaksanayang Manusa Yaénnya inggih punika ngupakara Dharmaning manusa, ngawit saking petemening kama petak ngelawan kama bang sejerening garba kantes padem riwekas manut kecaping Agama.
- (2) Sa ng sane wawu matemu merabian / mewiwaha kepatutang lwire :
- a. Sanistane tutug tigang rahina patut marayascita.
 - b. Patut ngayab pekala- kalaan muah mekerab nganten, nasi dehe lan- banten pelabungkah canang gantal , base sangkil , ring kuluarga waden.
 - c. upacara / upakara kadi ring ajeng, nista, madia, utama, nganutⁱ in catur dresta (kune, desa, leka, saastra) miwah desa kala- patra.

P A W O S. 38

- (1). Sang megama Hindu sane nilar utwi ngelebur Agama keagamaan sawes san kepatutang nunas pemuput ring sang Rumawes (P.H.D. Pemer^antah).
- (2). Sang megama Hindu same ngelebur Agama wangsa kepatutang nunas - pamupaut ring sang Rumawes miwah sang Sulinggih lwire :
- a. Merabian ring sawesan wangsa lanang / istri.
 - b. lanang utawi istri ngeranjing nganut Agama Hindu saking sang megama sawesan ring Hindu.

P A L E T. XIV

INDIK B U T H A Yaénnya.

Pawes. 39.

- (1). Bhuta yaénnya ibggih punika upakara / upacara banten pabiya kalan (pelaban) Muwah pacaruan sarwa prani ring ibá Pertiwi , ring pa- ra kahyangan , ring manusa muah ring babhutan lwire ;
- a. Sarwa tumuwuk / kayu - kayuan.
 - b. Sarwa ingen - ingenan.
 - c. Lelandep Sarwa besi.
 - d. Gamelan.
 - e. Wewalian (bali - balian).

- (2). Upakara / upacara inucap kelaksayang manut genah muwah penyawang - lan rera kinan muwah saji sane kemanggehang antuk krama Desa.
- (3). Upakara bebanten ring Hyang Ibu Pertiwi muwah ring Kahyangan lan - ring babhutan , kwastanin mecaru, Indik penyelenggarania nista, - madia, utama, kadi ring ser puniki. :
- a. Yadnya sesa.
 - b. Eke sat.
 - c. Panca sate.
 - d. Panca sanak.
 - e. Panca kelud.
 - f. Rsi Gana.
 - g. Tawur Agung.
 - h. Panca wali agung.
 - i. Tawur Agung/ Eka dase ludra.
 - j. Salwiring kadurwanggalang.
- (4). Penangluk merana ritatkala kerahuwang kemeranan ingih punika kadi - ser :
- a. Pura dalem. Puara Puseh / Bale Agung miwah Pura segara.
 - b. Pempatan Agung miwah ring sewes - sewesan manut dresta.

P A W U S. 40

- (1). Senagken warsa ring Tileming kesanga ,, kawentenag tawur kesanga - ketah kebawes ngerupuk , maaber - eber , negteg pacang ngaluk mapag rakina Penyepian , benjangne . Indik agung alit tawur kesanga manut - bebaes sang rumaes . Ikrama desa patut kekenin pesen - pesen manut perarem.
- (2). Upacara ring rakina Nyepi / Sipeng menikadi be berataning seswpen - patut keajengan . Weng desang mangde sami atwang ninuting kadi ring ser puniki :
- a. Amati geni. tan kalugraha meapi - api.
 - b. Amati pekaryan , tan kalugraha mekarya (nyanmbut gawe).
 - c. Amati lelungan , tan kalugraha melulengayan.
 - d. Amati lelungan , tan kalugraha maenengan - enenagan .
ajejudean miwah mas wara gere.

3. Benjang penyepian lintang metenger antuk suaran kulkul kewastanin ngembak geni, karya wastu ngelukar yega semadi. Kadulurin antuk idepp nunas rahayu miwah ngaksamayang sewang-sewang krama desa maka ngawit Içaka warsa.
4. Prajuru patut nuntun midabababin mangda desane sida terepti ring rahina sipeng nganutin catur brata kadi ring ajeng tur patut ketitenin saha ngawentenang pangelalang/pacelang sapa sira mamurug wenang kapidanda agung alit manut pararem
5. Sajawaning pacaruan ring tilem kesanga taler i Krama Desa kepatutang senangken rahina tilem ngawenteng pacaruan selawang-lawang manut pararem, warah-warah.
6. Saanan prabeaya upacara/upakara Bhuta Yadnya utawi pacaruan sane kawentenang elih krama desa adat kamedalin elih i Krama adat.

Pawes 41

1. Tabuh Rah inggih punika taburan rah sate sane marupa aturan pinaka runtuttan upakara/upacara Panca Yadnya manut agama Hindu.
2. Taburan rah sate sane kalaksanayang secara Nyamblah/Perang sate, wantah dades tigang perahatan tur kalengkapin antuk aduan-aduan: tingkih, taluh, kelapa, andel-andel saha upakara sejangkepnyane.
3. Tabuh rah punika taler kasarengin antuk teh Dedamping pinaka cihna rasa las Bhakti sang Yajamana mayadnya, sake-wanten tan marupa judi.
4. Tabuh rah punika mangda kalaksanayang ring genah ngelaksanayang upacara elih sang Yajamana.
5. Ngelaksanayang Perang sate punika mangda manut sekadi sane menggah ring katentuan Seminar Kesatuan Tafsir Agama Hindu.

Palet XV

INDIK KESUCIAN SUKERTAN DESA.

Pawos 42

1. Prajurune tan marem nuntun I Krama Adat, mangda kesucian Desane sida ajeg.
2. Sane patut katitenin, seanan pemargin nyapa Krama, sane sinanggeh duh kertan miwah ngeletehin Desa upami :
 - a. Salah timpal (Jadma masanggama ring wewalungan).
 - b. Gamia gemana sane katelanjur.
 - c. Miwah seanan sane ngeletehin manut linggih Agama.
3. Sang kecihnayang melaksana kadi ring ajeng patut kasisipang marisuda Desa sapatut ipun.

Pawos 43

1. Prajuru nuntun mangda seanan upakaran Desa pekraman: sida kemanguhang sapesidan, agung alit anutang ring kawentenane :
Upami : ngusaba Desa, ngusaba nini.
2. Prade wenten cihna kadurmanggalan jagat, Prajuru patut digelis ngusahayang pamarisudha nunasang ring sang Sadaka.

Pawos 44

1. Upakara miwah brataning sesepen patut keajegan .
2. Prajurune nuntun saha midadbdabang mangda Desane sida trepti ring sipeng/ Amati geni, wong Desane mangda sami atuang mitutin.

Pawos 45

1. Prajurune taler patut nuntun I Krama mangda kasukertan Desane sida ajeg setata.
2. a. Seanan wewatesan tanah (margi, setra, rawuhing tembok, pagehan, punden).
- b. Sawen saluwiring sawen.
- c. Miwah seanan cihna kasukertan.
3. Sang kecihnan ngerusak, kedanda manut perarem.

Pawos 46

- Yan wenten Krama sane seda mangda digelis mesadok ring Prajuru Adat, Prajuru nyuwarayang kulkul manut perarem.

Pawos 47

1. Sang sapa sira nampi tamu mangda masadok ring Prajuru Adat.
2. Sang sapa sira madrue keluarga keluarga istri ngerorod mangda mesadok ring prajuru Adat.

S A R G A IV

S U K E R T A T A T A P A W O N G A N

Palet I

I N D I K P A W I W A H A N

Pawos 48

- 1) Pawiwahan inggih punika, patemuning purusa lan pradana melarapan penunggalan kayum suka cita, kadulurin Trisakti sekala lan niskala.
- 2) Sajeroning kadi inucap ring ajeng, pawiwahan taler mangda manut ring daging undang undang No. 1 Republik Indonesia, Peraturan Pemerintah No. 9 tahun 1975 Republik Indonesia.
- 3) Pemargin pawiwahan luwire :
 - a. Pepadikan maduluran suka cita, sangkaning paigum pikayun kaluarga sareng kalih.
 - b. Ngerorod/ngerangkat melarapan suka cita lanang wadon.
- 4) Pawiwahan sane kelaksanayang antuk ngerorod/ngerangkat kepatutang :
 - a. Kaluarga sang purusa ngawentenang pejadana mewaneng arahina.
 - b. Ikrama sane nampi sang ngerorod mangda atur uning ring Prajuru Adat.
 - c. I Prajuru mangda netes sang ngerorod, maka maritiyaksayang indik pamargine ngerorod manut napi singsal ring dresta.
 - d. Prade pamargine sampun nepek sang ngerorod polih pamikukuh tur pasuban.
 - e. Prade pamargine tan nepek ring dresta wenang katolak/kepakalasang tur katur ring sang rumawos.
 - f. Sajeroning durung mapuputan indik pawiwahannya sang kalih tan dados ngeranjing ring khayangan tiga.
 - g. Sapuput upakara pawiwahan sang nganten patut muspa ring Sang Hyang Tiga kasaksinin antuk Prajuru, sang ngambil ngawentenang canang bebawos setegepnya saha jinah agung alit manut perarem.

Pawos 49

- 1) Yan wenten wong dura Desa ngelaksanayang pawiwahan ngerorod/ngerangkat mesayuban ring paumahan Ikrama Desa patut mesadok ring prajuru adat/ Kepala Desa yan prade tam wenten/tan nginutin wenang kapidanda manut pararem.
- 2) Yan wenten pengetut utawi katututan saking kaluarga wadon sang netutang patut mesadok ring prajuru Adat/Kepala Desa.

- (3) Sang meseserep utawi pengetut sane pacang netes pangerorodan/pe-
rangkatan kadi inucap patut nunas penuntun ring Prajurune.
Iprajuru patut nureksa natasang ipangetut/seserep punika, jati tan
jaginnya patut pernah wirang sang ngerorod/kerangkatang punika.

- (4) Yening linggihnyane jati-jati pernah wirang, Prajuru patut digelis
nganter seserep punika keumah genah sang ngerorod/ngerangkat kage-
nahang utawi keengkebang.

- (5) Sang meseserep patut tinut ring sapituduh Prajurune nganenin indik
tata tatas pangerorodan sekadi ring sor :
- Ngeranjing ring umah inucap tan dados langkungan ring kalih diri
 - Tan kengin makta sanjata utawi gagawan lan sapenunggalan ipun.
 - Tan kengi matingkah kalih mebawos purusya nantang-nantang.

- (6) Senapake I Prajuru patut midabdabin mangda tata cara penetese trepti,
maka buatan mangda anake istri sané ngerangkat jati-jati polih ner-
angan idepnyane sebebap ipun. Wirang seserepe mangda polih mireng
ucapan anake istri punika.

Luwire pidaudabe kadi ring sor :

- Anaké istri kagenahang ngeraga tan dados anak sewos ngenampekin
kirang kirang ring tigang depa tur tinas ring inange.
- Prajurune nuntun nulurwang sang meseserep polih prtaken ring
sang istri punika.
- Prajurune nyumakutayang pamekas ring sang istri, mungguing dane
pacang ngicenin pasubayan manut ring daging idepnyane.
Yening pada pada arsa utawi suka cita pangerorodane, sang masese
rep pacang katulak. Yaning sangkaning pepaksan, sang istri we-
nang kapalasan tur sang lanang sane nganmbil patut katiwakin
pamidanda manut perarem.
- Pemupute I Prajuru dumugi melaksana ring pamutus sang istri inucap.

Pawos 50

- 1) Kapatutan pawiwahan (Nganten) :

a. Tan yogiya ngerangkatang tumin dinyama.

b.

- b. Pianak tumin, pianak dinyama, rerama dinyama, semeton sodet semeto sewos biyang/ibu, semeton dicambra, semeton idih idihan kalih sang matunggal susu. Yan sane mamurug wenang kapalasang tur kapidanda.
- c. Sane tan kapalasang gamia gemana, nanging patut kapidanda kewan ten minakadi baluan saling ipah kalih saling rerangkatan.
- d. Yan wenten mamaksa utawi melegandang anak istri patut kapalasang tur kapidanda.
- e. Prade drati krama, memitra ngalang, wenang kapidanda tur mangda ngelaksanayang upacarannya.
- f. Yan ngerangkatan anak istri sewos Agama Hindhu pagut nginutin sang lanang (Purusa).
- g. Yan wenten ngerabinin wong arabi, ngerangkatang wong arabi wenang kapidanda.
- h. Yan wenten ngambil ipah kelihan, warang, mantu, pianak kualon miwah sameton kuwehan wenang kapidanda.

(2) Pawiwahan sane kemanggehang patut ring Desa Adat Pengeragoan mekadi ring sor puniki :

- a. Pawidi widanannya kapatutang antuk sulinggih utawi panugrahan Ida Padanda/Silinggih. *MAMF. K. DESA.*
- b. Kasaksinin antuk Prajuru Desa Adat saha majalaran antukm Akta Perkawinan manut Undang Undang No.1 Tahun 1974 RI. miwah pasuwaran Gubernur Kepala Daerah Tk. I Bali.
- c. Yan sang mewidi widana tan nginutin kadi inucap ring ajeng, ring jaga tedun mayahan makrama Desa mangda meresgista raga dumun se kadi No. a ring ajeng puniki.

(3) Piteges pawiwahan inggih punika :

- a. Kapatutang sang lanang marabi adiri, sejawaning wenten pasubayan saling rabine utawi paitungan bawos pacang merabian malih
- b. Prade wenten lokika sanggraha, patut sang mobotang nyakapang wadone, yan tan manut wenang kakeninin danda manut perarem tur ngupajiwa seembasan bobote.
- c. Prade drati krama, mamitra ngalang sane kabawos ngawanang cemar jagat, wenang kasisipang tur kadanda upacarnnya manug perarem.
- d. Yan wenten bulu angkep tan manut ring kertaning pawiwahan, patut kebawosin antuk Prajufu tur wenang katiwakin pamidanda manut perarem.

INDIK PALAS MERABIAN.

Pawos. 51

- 1) Yan wenten anak palas merabian patut kepalasang/keputusang antuk Negeri, medasar antuk pesadok saking ane lanang utawi sang istri manut tata cara luwire :
 - a. Salah sinunggil anasar laku.
 - b. Salah sinunggil wirasaning laku.
 - c. Salah sinunggil candangga, padem miwah keni hukuman langkung ring lima warsa.
 - d. Matilar salah sinunggil tan pasadok kantos awarsa miwah setata wak purusa utawi tan prasidha adung malih, miwah sane sewos sewosan manut dresta.
- 2) Palas merabian sane sampun pamutuse pastika/sah katibakang antuk sang rumawos (Pengadilan Negeri), Patut kadulurin antuk upakara saha widi widana masamsam ring pura Desa/Bale Agung manut kakecap Aji Agama.
- 3) Prade riwekas sang palas adung malih merabian kepatutang :
 - a. Ngelaksanayang upakara/upakara pawiwahan malih manut ucaping Aji Agama.
 - b. Miwah Undang Undang No.1 Th. 1974 RI.
 - c. Kekeninim pamidanda agung alit ipun manut pamirarem.

Pawos. 52

- (1) Soang soang sang balu manut pawongannya kabinanyang dados kakalih Luwire :
 - a. Balu wadon saking wit sentana rajeg .
 - b. Balu wadon boyo saling sentana rajeg.
- (2) Swadarmaning sang balu inucap patut :
 - a. Ngawisesa waris, peguna kaya tan kuasa ngadol, makadihang sajeroning durung polih bebasang saking sang patut ngewaris.
 - b. Yening ngangkat sentana riantuk tan maduwe putra kadadosang, nanging sadurunge patut nunas bebasang medasar pedabdab sane becik marep ring kaluarga sane paling tampek pakeluargannya.
- (3) Balu wadon wiyadin lanang (Nyentana) tan pageh ring swadharmannya Upami :
 - a. Matilar saking pakubon/kedaton tan pesadok sejeroning awarsa.
 - b. Las ring swadarmaning balu, tan sida ngentosin solah ring ipah purusa wiyadin pecak keluarga rabine utawi solahnesane kebawos tan patut, kengin kamulihang kaumah dehe/teruna saha tan polih pah pahan gunakaya.

- 24
- (4) Prade sang balu inucap paged nganutin swadharmannya, raris katundung antuk sentana (kulowarga purusa), wenang sang balu inucap polih pah paham gunkaya.

Palet III
INDIK SENTANA.

Pawos. 53

- (1) Mungguwing sentana wenten kalih soroh luwire :
- a. Prati sentana wiyadin sentana rajeg.
 - b. Sentana saking peperasan.
- (2) Prade wenten sinalihn tunggil krama sane sampun mawiwaha tan sida ngawentenang sentana, kengin ngidih sentana sakewanten mangda nginutin dresta utawi kepatutan, minakadi mangda adung dumun ring keluarga purusa.
- (3) Sane kepatutang keperas anggen sentana kadi ring sor puniki :
- a. Jadma nganut Agama Hindhu.
 - b. Pepernahang saking sang meras.
 - c. Kulowarga saking purusa, yan tan wenten kengin saking predana.
- Prade tan wenten kadi ring ajeng wawu dados sakitaning arep sang meras.

Pawos. 54

- (1) Sang mapikayun ngidih sentana patut mesadok ring Prajuru Desa utawi ring perbekel/Kepala Desa/Lurah miwah ring sang rumawos (Pemerintah), sanistane tigang sasih sadurung kamargayang upakar a widi widana pemerasan.
- (2) Yening tata pemerasan sampun manut kadi ring ajeng, ring panumaya upakara widi widanannya kelaksanayang Bendesa Adat kalih Kelihan Adat madia sinanggeh saksi utama.
- (3) Sawusan upakara pemerasan kalaksanayang, Bendesa Adat kalih Kelihan Adat digelis nyuratang pemerasan inucap tur kapungkur kasinahang utawi kasiyarang ring paruman Desa utawi Banjar.
- (4) Yening sulur pemerasan tan manut ring kepatutan sang rumawos, prajuru Desa wenang nyandeg sang meras mangda kaputusang rihin bebawos sulur kalih indik wicarannya. Palet IV

INDIK WARISAN.

Pawos 55

- (1) Warisan inggih punika, tetamian arta brana, ayah ayahan sekala niskala saking kaluarga purusa arp ring turunnannya.
- (2) Sane sinanggeh warisan luwir :
- a. Druwe tengah, karang/tegal/sawah/paumahan, pemerajan/sanggeh, pura susuhunan.

b. Gunakaya, tetadtadan, jiwadanamiwah utang piutang.

3) Sane kengin kebawos pewarisan prade :

a. Wenten sang mapiturun wiyadin pewaris.

b. Wenten turunania wiyadin pawaris.

c. Wenten arta brana, tetegenan, ayah ayahan miwah sane marupa wafisan.

Pawos 56

1) Sane sinaggeh ahlim waris luwire :

a. Pratisentana purusa sane karupaka antuk yayah rena melarapan antuk pawiwahan sane sah manut Agama miwah Undang Undang No.1 Th. 1974 RI.

b. Sentana rajeg utawi putra wadon sane kemanggehang purusa.

c. Sentana peperasan sane sah manut dresta miwah sampun kepastikayang antuk Pemerintah.

2) Prade tan wenten kadi ring ajeng sane kepatutang dados ahli waris Luwire :

a. Turunan kulowarga purusa kapernah ngunggahang mekadi rerama di misan, rerama dimindon kalih selantur ipun ngunggahang .

b. Turunan purusa kapernah kesamping, keponakan dinyama misan, keponakan dimindon kalih selantur ipun nedunang.

c. Yening putung (campu)tan medruwe pepernahan waris, patut kewenang ang antuk dadia. Prade tan madrue dadia patut kawenang ang antuk Desa.

Pawos 57

1) Swadarmaning ahli waris kadi ring sor puniki :

a. Patut nyanggra tur ngusahang tetamiam pahan saking leluhurnya mekadi ngemponin tetegenan sanggah/pemerajan, pura kawitan miwah khayangan Desa saha ngupakara rawuhing ayahan pewaris.

b. Ngabenan pewaris tur ngelanturang upakara upakara pitra (pitra puja) Miwah naurin seanan utang utangnya sekala lan niskala.

2) Ngelanturang swadharman yayah rena ring Desa pakraman mekadi ayah ayahan miwah tetegenan sane sewosan manut dresta.

Pawos 58

1) Ahli waris dados ngedum warisan pewaris risampune kelaksanayang pitra yadnya lan seanan utang utangnya buntas katawur.

2) Para ahli waris polih pah pahan pada sane merupa arta brana, guna kaya saking pewaris.

3) Sinalih tunggil ahli waris tan polih pah pahan yening :

a. Nilar sesananing agama hindhu.

b. Alpaka Guru Rupaka wiyadin Guru Swadiyaya.

Palet V

INDIK KRAMA.

Pawos. 61

- (1) Panyungkem Desa Adat Pengeragoan inggih punika sang sapa sira ugi magenah ring wewengkon Desa Adat tur nganutin agama Hindu.
- (2) Sejaba punika sinanggeh tamu sane sampun jumenek magenah ring wewengkon Desa Adat Pengeragoan kalih nganutin tata trepti.

Pawos. 62

- (3) Seanan warga Desa utawi Banjar Adat sane sampun merabian patut ngawit tedun dados Krama Desa Adat utawi Banjar Adat.
- (4) Satunggil Krama manut kerendahan keluarganya patut keni ayah sinalih tunggil lwire :

- a. Ayah ngarep sepelaken (lanang wadon).
- b. Ayah balu/Ayah pengele (balu lanang wiyadin wadon yening kantong medruwe putra lanang utawi istri sane sampun mebasa wirang.

- (5) Ayah ngarep kalih ayah balu /pengarep kadi inucap ring ajeng sinanggeh pemekas utawi ayah utama. Nanging Krama sane manut kerendahan keluarganya patut nambehin antuk ayahan kadi ring sor :

- a. Krama sane sampun lingsir kagentosin ayahannya, sinanggeh ayah jada(mayusa 70 tiban ngemunggan).
- b. Ayah Taruna Taruni wayahan(seanan anom anom lanang istri.
- c. Ayah Truna trunã alitan(alit alit sane meyusa 6-13 warsa).

Pawos.63

- (6) Pawilangan ngawit Krama Desa Adat sekadi ring sor puniki :

- a. Ngawit mepeumahan wiyadin ngerereh pengupa jiwa yan sampun jumenek 3 (tiga) sasih.
- b. Melarapan antuk pawiwahan, mekadi putran I Krama sane sampun utawi durung mewidi widana utawi sampun 3 (tiga) sasih.
- c. Yening wenten tamu sane sampun jumenek 3 (tiga) sasih ring palemahan DESA Adat Pengeragoan, saha kapuputang raris ngami letin ayah utawi pemogpog manut petitis sekala.
- d. Krama Desa/Adat/Desa Banjar sane ninggalin desa/Banjar mewali malih mekrama sesampune nawur pemogpog manut perarem.

Palet VI

INDIK NGUSANANG MEKRAMA.

Pawos. 64

- (1) Sinalih tunggil I Krama Desa/Banjar tan tinut ring awig awig Adat sejeroning amasa sesampune polih painget ping tiga olih I Prajuru taler kantun mamurug, patut keusanang mekrama Adat.
- (2) Sang sane kewusang mekrama Adat tan luput saking :
Danda danda, Utang utang, Paturunan sane durung buntas ketaur.
- (3) Sang sane kewusanang mekrama Adat tan dados :
 - a. Tan dados ngaturayang bakti ring Khayangan Tiga Desa.
 - b. Tan dados mendem utawi ngabenang ring setra/tunon.
- (4) Ngeraryanang I Krama sane mamurug awig awig, paswara lan Perarem Desa, Patut kecomponin antuk $\frac{2}{3}$ Krama Desa sinamian.
- (5) I Krama sane keraryanang mekrama kengin makrama Desa Adat Pengeragoan malih patut kecomponin antuk $\frac{2}{3}$ Krama sinamian.

(6) Krama Desa Adat/ Banjar keni ayahan miwah tetegenan sekadi ring sor :

- a. Ayahan ngarep krama ngarep keni pepeson seungkul.
- b. Ayahan balu /pengele, krama pengele keni pepeson paon pao n.
- c. Para sedaka, pemangku khayangan tiga luput saking ayahan mematu matu miwah pekenan kenan.
- d. Wong cendaka, sakit tahunan, buduh miwah wong alit ubuh luput saking ayahan mematu matu kalih peson peson.

Pawos. 65

- (1) Keluarga megama hindu wit saking Desa seyosan sane pacang jumenek mepaumahan ring Desa Adat/Banjar Adat Pengeragoan patut atur supeksa ring Prajuru, wenang ngeranjing mekrama Desa Adat.
- (2) Keluarga sane nampi tamiu utawi dunungan mewaneng arahina patut atur upeksa ring Prajuru Adat.

Pawos.66

- (1) Swadarmaning I Krama Desa Adat/Banjar sewos ring keni ayahan patut :
 - a. Dreda atwang ring Desa/Banjar tinut sinurut ring sedaging awig awig, paswara, perarem miwah gaguat guat.
 - b. Natak panes tis kertin Desa/Banjar.
- (2) Sane sinanggeh tamiu taler ngelaksanayang swadarma sekadi ring:
 - a. Tinut saturut sedaging awig awig, Paswara, perarem kalih gaguat guat Desane/Banjar.
 - b. Tan wenten tungkas ring sapamargin kertin Desane.

Pawos.67

- (1) Kepatutan miwah tetuwus I Krama Desa utawi Banjar sane sinanggeh pamekas sekadi ayah utama luwire :
 - a. Dados memilih wiyadi kepilih kedadosang Prajuru Desa Utawi Banjar, Pemangku khayangan.
 - b. Nyarengin paruman dados ngamedalan pikayun, piteket piteket miwah pangelemek pangelemek, pawungu ring Prajuru.

Pawos. 68

- (1) Sinalih tunggil wusan mekrama Desa utawi Banjar yening :
 - a. Megingsir linggih saking wewidangan Desa Adat Pengeragoan.
 - b. Kanorayang utawi kawusang antuk mamurug Awig-awig.
- (2) Sang wusan mekrama Desa utawi Banjar tan polih punapa punapi.

Palet VII

INDIK PRAJURU.

Pawos. 69

- (1) Desa Adat Pengeragoan keenterang olih :
 - a. Bendesa Adat : Maka penyada Desa Adat.
 - b. Pangliman : Maka wakil penyada Desa Adat.
 - c. Penyarikan : Maka pengenter juru surat Desa Adat.
 - d. Petengen : Maka ngelingan druwen Desa Adat.
 - e. Pemijian : Maka juru pemargi/penyanggra Desa Adat.
- (2) Banjar Adat taler mdruwe pengenter lwire :
 - a. Klihan Adat : Maka pengenter Banjar Adat.
 - b. Penyarikan : Maka pengenter juru surat.
 - c. Petengen : Maka ngelingang druwen Banjar Adat.
 - d. Juru arah : Maka juru pemargi/penyanggra Banjar Adat

Pawos. 70

- (1) Bendesa Adat/Klihan Adat keadegan antuk pemilihan ring peparuman.
- (2) Prajuru sane seosan kejudi olih Bendesa Adat tur kecumponan olih krama Desa Adat/Banjar Adat.
- (3) Sehanan Prajuru mewiwit saking krama ayahan utama/ngarep, polih cecumponan, tur kesungkemin olih I Krama Adat.

Pawos. 71

- (1) PrajuruDesa/Banjar Adat paling suwe 5 (lima) warsa wus punika dados kapilih malih, saha ngaturang pakeling ring pura Khayangan Tiga Desa.
- (2) Prajuru Desa Adat/Banjar Adat kagentosin sadurung telas bates bates ipun yening :
 - a. Padem.
 - b. Pekayun saking newek.
 - c. Wusan dados Krama Desa.

Pawos. 72

- (1) Swadarman Bendesa/ Klihan Adat lwire :
- a. Ngenterang paruman Desa/Banjar.
 - b. Ngenterang pelaksanaan sedaging awig awig miwah pemutus.
 - c. Nuntun tur ngenterang krama rauhing warga Desa ngupadi kesukertan sekala niskala.
 - d. Ngeraksa saha ngatur raja branan druwen Desa/Banjar.
 - e. Mawosin kalih niwakang pemutus marep ring wicara warga desane.
- (2) Tata carane ngelaksanayang swadarman prajuru inucap tan maren nganutin sedaging awig awig, Perarem, Dresta miwah pemutus paruman Desa/Banjar.
- (3) Kepatutan miwah pituah prajuru Desa lwire :
- a. Luput saking ayahan.
 - b. Luput saking pekenan kenan manut perarem.
- Polih ulih ulihan cenengan kalih ulah ulihan sewosan.

Palet VIII

I N D I K P A R U M A N

Pawos. 73

- (1) Pepalihan peparuman luwire :
- a. Paruman Desa, Paruman Banjar, paruman tempek kalih paruman seka-seka.
 - b. Paruman Prajuru Desa Adat miwah Banjar Adat, tempek kalih seka-seka.
- (2) Seanan paruman sida lumaksana yening ketedunin antuk sang patut nyarengin wenten langkungan ring atenga keh ipun.
- (3) Seanan pemutus keusahayang pisan mangda melarapan antu gilik briuk siu tur suwarane langkungan ring atenga keh ipun.
- (4) Ring seanan paruman tan marem kemanggalain antuk pengarcana ring Ida Sang Hyang Widi Wasa miwah ring Ida Sang Begawan .
Penyarikan saha widi widana miwah kelanturan antuk Tri Sandhya.

Pawos. 74

- (1) Paruman Desa patut kawentenang nangken awarsa apisan.
- (2) Nangken paruman Desa/Banjar Adat prajurune patut nyiarang pemargine ngenterang Desa pemekas ngeninin :
- a. Nunjuk lungsur pekraman miwah ayah ayahan.
 - b. Pemargi, penelas parindik arta brana druwen Desa.
 - c. Pemargan usaha-usaha sane mabuat.

- d. Seanan wicara saha pemutusny.
 - e. Daging perarem miwah peswara sane mabuat.
 - f. Rencana-rencana wewangunan sane pacang kelaksanayang.
- (3) Seanan pakereb ring ajeng ketitenin saha ketiwakin pamutus antuk paruman Desa.
- (4) Pemutus paruman ring ajeng sinanggeh sepat siku, patut keti- nutin antuk krama Desane, sinanggeh anut mikukuhang pemargan awig awig paswara lan pararem.
- (5) Paruman Desane wantah sinanggeh pangewisesan sane wenang nyelem putihang tata pengenter Desa manut dresta.

Palet IX

I N D I K K U L K U L

Pawos. 75

- (1) Kulkul maswafa nganutin Tri Brata Sandi : Dharma, Sima, miwah laksana:
- a. Dharma : kulkul maswara nganutin upacara/upakara agama.
 - b. Sima : kulkul meswara nganutin Dresta sane kemanggehang
 - c. Laksan : kulkul meswara nganutin sekancan pekaryan sane kelaksanayang antuk Desa utawi Banjar.
- (2) Tabuh tetepakan kulkul pastika mesewos sewosan manut tetu- jonnya luwire :
- a. Tengeran wenten upacara/upakara yadnya.
 - b. Tengeran wenten senalih tunggil I Krama Desa/Banjar sane padem.
 - c. Tengeran wenten sinalih tunggil I Krama Desa/Banjar keni panca baya miwah sekancan sane mewartpati sane sewosan.
 - d. Tengeran wenten wong istri kepelegandang.
 - e. Tengeran wenten bulan utawi surya kepangan, lindu.
- (3) Swaran kulkul sowang sowang tengerannya inggih punika :
- a. Meswara tabuh nganutin irama cihna wenten dedauhan paruman kalih pekaryan sane pacang kelaksanayang.
 - b. Meswara ngoncang atuludan lampak cihna wenten bulan/surya kepangan, lindu miwah wenten upacara agama.
 - c. Meswara bulus ganti atuludan cihna wenten kemalingan/ke- rampok, umah punun, wong istri kepelegandang miwah wong ma- yuda tan pesenjata.
 - d. Meswara bulus ganti kalih atuludan cihna wenten sane kera- mpok wenten bencana belabar saha mewart pati.
 - e. Meswara bulus ganti tigang tuludan cihna wenten sang kea-

- (4) Swaran kulkul inucap ring ajeng kawastaning panca maha swara Manggala Dara sane meartos :
- a. Panca : lelima.
 - b. M a h a : Ageng utawi mabuat.
 - c. Swara : I r a m a.
 - d. Manggala : Pemucuk/pimpinan.
 - e. D a r a : kagamel.
- (5) Kulkul Desa tan wenang katepak yan tan sakaning pituduh prajuru Desa utawi banjar, sejabaning wenten kepanca bayan.
- (6) Swaran kulkul tengeran paruman patut ketedunin antuk krama saha mampengangge sasaputan tata kramaning adat.
- (7) Swaran kulkul pekaryan patut ketedunin antuk krama saha gegawan manut arah-arah saking Prajuru.
- (8) Swaran kulkul paca baya patut katedunin antuk krama saha gegawan manut pepalihan panca baya kadi ring ajeng.
- (9) Sehaman kulkul sane wenten ring wewidangan Desa Pengeragoan patut nyarengin ketepak prade wenten swaran kulkul nyihnayang panca baya.
- (10) Swaran kulkul seka-seka sane sane wenten sajeroning Desa Pengeragoan tan tan wenang nyarengin/nyawurin swaran kulkul banjar.

Palet X.

INDIK PENYANGGRA

Pawos 76

- (1) Seananing pekaryan sinalih Ikrama Adat sane mabuat patut nunas penyanggra Adat banjar tur indik penyanggrannya keetang antuk Prajuru adat manut perem utawi dresta .
- (2) Yening Karyane dahat bobot dados nunas penyanggra secukupipun tur lebih ring apisan, saha keaturin panguing manut wibuh, kincit) karya inucap.
- (3) Penyanggra sane kemargiang olih Adate mantuk ring Ikrama luwire :
 - a. Seanan yadnya : Dewa yadnya, Rsi Yadnya, Pitra Yadnya, Manusa Yadnya, Miwah bhuta yadnya.
 - b. Seanan panca baya kalih maseserep Kelihan Desa, saha tan polih panguing.
- (4) Rikala ngelaksanayang penyanggran ring seanan Yadnya kepatutang ngangge wastra manut separi kramsaning Adat saha patut ngawentenang pujastawa miwah kidung/kekawin katuntun antuk Prajuru.

Palet XI

INDIK LELUPUTAN AYAHAN

Pawos 77

- 1. Desa/Banjar mapeweweh lelungan ayahan mematu matu miwah pekenan kenan ring sang linggih utawi ring sang kewalas asih luwire :
 - a. Prajuru Desa Adat/Banjar Adat.
 - b. Para Sadaka, pemangku saka Khayangan, Khayangan tiga miwah penghulun Adat.
 - c. Wong sakit thunyan, cedangga banget, wong buduh, wong ubuh kari alit.
- 2. Desa miwah Banjar taler maweweh lelungan utawi pepuangkidan ritatka la wenten ayahan I Krama sane kapiambeng luwire :
 - a. Ngelaksanayang seanan Yadnya.
 - b. Metepetin wong sakit.
 - c. Sungkan rahat.
 - d. Lelungan sane mabuat.
 - e. Ngemargiang tugas Pemerintah.
- 3. Seanan Pegawai Swasta/bruh sane ngererih pekaryan medal saking Desa patut ngentosin ayahan punika antuk panumas ayahan.
- 4. Agung alit lelungan kalih panumbas ayahan, pekenan kenan tur bacakan lelungana kaunggulan ring perarem.

Palet XII

INDIK WICARA.

Pawos 78

- 1) Sane wenang minakadi mawosin wicara saha mutusang luwire :
 - a. Klihan Adat prade sang mawicara tunggaling Banjar.
 - b. Kepala Desa, Bendesa Adat.
- 2) Bendesa Adat kang sinangguh pangerta Desa Adat, Klihan Adat kang sinanggeh pangerta Banjar Adat .
- 3) Prade sang mawicara tan cumpu ring tata cara kalih daging pamutusnyadados nunas bawos bebandingan ring Bendesa Adat.
- 4) Pemutus BendesaAdat areping wicara sinanggeh wesananing bebawos ring Desa Adat.

P awos 79

- 1) Seanan wicara mawiwit kacorahan miwah sane sinanggeh nungkasin awig awig paswara lan perarem patut raris kabawosin antuk prajuru tan nyantos pesadok, sewos ring wicara kadi ring ajeng patut nyantos pesadok saking sang nunas bebawos.
- 2) Seanan wicara patut katepasin jantos pastika janten iwang patutnya melarapan antuk Tripramana (Bukti, Saksi, Ilikita).
- 3) Pemutus patut tan maren nepek ring catur dresta (Sastra, Purwa, Lokamiwah Desa Dresta)
- 4) Seanan pemutus patut tan maren ngupadi luwire :
 - a. Mangda warga Desane sayan uning kepastian indik iwang patut.
 - b. Mangda sang kawon tatas unigg ring kaiwangan dewek ipune.
 - c. Sang molih tan maren katunut mangda sampun bas nginggilang kepatutannya lila legawa ngampura sang sisip tur mangda nyapsap bibit bibit memusuh musuh.
- 5) Prade wenten wong banjar medal saking pemutus Kelihan Banjar, bilih bilih yan punika ngawinang duskertan Banjar, patut ketunasang pemutus ring sang rumawos.
- 6) Wong Banjar sane kaberatan ring pamutus Prajuru Adat, dados nunas bebandingan ring sang rumawos. (Parisada Hindhu Dharma, Pemerintah).

I N D I K P A M I D A N D A .

Pawos 80

- (1) Desa wiyadin Banjar Adat wenang niwakang pamidanda ring wong sisip.
- (2) Tatiwak pamidanda kelaksanayang olih Prajuru Desa/Banjar Adat.
- (3) Pamidanda sane katiwakang mangda manut ring pastika
Catur Naya Upaya Sandi minakadi :
- a. S A M A : Wong Desa utawi Prajuru pateh keni pamidanda
yan keni sisip.
 - b. B E D A : Patiwak mabidanda mabinayan manut ring agung alit
kesisipannya.
 - c. D A N A : Patiwak pamidanda punika kelaksanayang wantah me-
relina kesisipan utawi mapitlung ngemanggehang
kerahajengan Krama Desa Adat.
- (4) Pepaletan Pamidanda luwire :
- a. Danda artha.
 - b. Penebus kesisipan antuk ayahan.
 - c. Keni Upakara bebantenan.
 - d. Panikel urunan utawi panikel dadandaan.
 - e. Kenorayang/kerareyanang mekrama.
- (5) Pamidanda sane katiwakang, patut manut ring awig awig, perarem pauwa-
suaran utawi dresta miwah agama, tur adung ring kasisipan.
- (6) Jinah utawi arta pamidanda dados Aruen Banjar/Desa.
- (7) Kesisipan wong Desa sane patut keni pamidanda wenten kalih soroh :
- a. Merupa sane sampun melaksana tan patut.
 - b. sane merupa bebawos tan patut/manutring sukerta tata Agama muah
Adat ring Desa Pakraman.

Pawos 81

- (1) Pamargin pamidanda sukerta Tata Pakraman, kang mamurug keni danda arta
agung alit ipun singgih manut ring kesisipania miwah manut perarem.
- (2) Pamargin Pamidanda Sukerta Tata Agama, kang mamurug keni danda arta
muah danda upakara penyangaskara agung alit ipun mesor singgih manut
ring kesisipania miwah manut perarem.
- (3) Pamargin Pamidanda Sukerta Tata Pawongan, kang mamurug keni danda arta
agung alit ipun mesor singgih manut ring kesisipania miwah manut
perarem.

INDIK TETERAGAN.

Pawos 82.

-) Krama sane langkunganring Panusaya, taler kantun amandel urunan/dandenan wenang katerag.
-) Tata cara nerag ngelaksanayang kadi ring sor :
- a. Kelaksanayang olih kelihan Banjar, kesarengin olih Krama pinaka saksi seakehe tigang diri.
 - b. Sang katerag tan dados ngalamin sang nerag saha tan maren sareng nyaksinin tateragane.
 - c. Sang nerag sangkaning darsana ngambil barang barang tateragan, akeh nyane manut ring agung alit utangnia ring Ikrama, utawi nyawanin tanem tuwuh (tetangunan) sang ngerampag.
 - d. Klihan Banjar mateketang mangda barang tataragan digelis katebus masengker tigang rahina.
 - e. Prade jinah pameli tataragan sane kalelang langkungan ring gebogan utang sang katerag, patut pisan jinah punika kaserahang ring sang medruwe barang.

Palet XV

NYULURANG INDIK NERAG.

Pawos 83

Tataragane kesengkerin mangda sampun jantos :

- a. Nerag saluwir barang barang sane patut inggilang, manut Agama, miwah dresta.
- b. Ngicalang cihnan kemanusan sang katerag.
- c. Nuchang usaha pangupa jiwa sang katerag.

Palet XVI

INDIK WENANG LAN TAN WENANG KATERAG.

Pawos 84

- 1) Sane kengin katerag luwire :
 - a. Ingon ingon suku lalih.
 - b. Ingon ingon suku pat, sajawaning prabot pawon, prabot kecarik/tegal miwah prabot maka buatang usaha pangupa jiwa.
 - c. Tanem tuwuh.
- (2) Prade sang katerag rumasa kababatan nyerahang padruwennyane katerag, kengin nunas pamuput ring sang rumawos, masengker tigang rahina saking ngawit katerag.

INDIK TETERAGAN.

Pawos 82

- 1) Krama sane langkunganring Panusaya, taler kantun amandel urunan/dandenan wenang katerag.
- 2) Tata cara nerag ngelaksanayang kadi ring sor :
 - a. Kelaksanayang olih kelihan Banjar, kesarengin olih Krama pinaka saksi seakehe tigang diri.
 - b. Sang katerag tan dados ngalamgin sang nerag saha tan maren sareng nyaksinin tateragane.
 - c. Sang nerag sangkaning darsana ngambil barang barang tateragan, akeh nyane manut ring agung alit utangnia ring Ikrama, utawi nyawanin tanem tuwuh (tetangunan) sang ngerampag.
 - d. Klihan Banjar mateketang mangda barang tataragan digelis katebus masengerk tigang rahina.
 - e. Prade jinah pameli tataragan sane kalelang langkungan ring gebogan utang sang katerag, patut pisan jinah punika kaserahang ring sang medruwe barang.

Palet XV

NYULURANG INDIK NERAG.

Pawos 83

- Tataragane kesengerin mangda sampun jantos :
- a. Nerag saluwir barang barang sane patut inggilang, manut Agama, miwah dresta.
 - b. Ngicalang cihnan kemanusan sang katerag.
 - c. Nucahang usaha pangupa jiwa sang katerag.

Palet XVI

INDIK WENANG LAN TAN WENANG KATERAG.

Pawos 84

- (1) Sane kengin katerag luwire :
 - a. Ingon ingon suku lalih.
 - b. Ingon ingon suku pat, sajawaning prabot pawon, prabot kecarik/tegal miwah prabot maka buatang usaha pengupa jiwa.
 - c. Tanem tuwuh.
- (2) Prade sang katerag rumasa kababatan nyerahang padruwennyane katerag, kengin nunas pamuput ring sang rumawos, masengerk tigang rahina saking ngawit katerag.

P a l e t XVII
INDIK DUSTA MIWAH BAYA.

P a w o s 85

- (1) INDIK DUSTA :
- a. Jiwa baya
 - b. Artha baya
 - c. Geni baya
 - d. Pelegandangan
 - e. Mastika utawi dura cara ring agama
- (2) Seanan warga Desa prade uning ring wenten jadma melaksana dusta patut digelis atur uning ring Prajuru.
- (3) Bilih mabuat kawentenan ipun patut digelis napak kulkul manut ring rupan pengelaksanaan bayane.

P a w o s 86

- (1) INDIK BAYA :
- a. Sane sinanggih baya upaman ipun, kebelabaran toyo agung miwah sane lianan.
 - b. Seanan warga banjar prade uning ring kewentenane patut digelis atur uning ring Prajuru.
- (2) Seanan Warga Desa/Banjar patut tulung mekadi mekadi ngaturang ayah saha gegawan manut ring kawentenan panca baya inucap.

P a w o s 87

- (1) TATANING MASESEREP.
- a. Warga Banjar sane kaicalang, prade pacang maseserep patut nunas bebasan, penuntun rung Prajuru.
 - b. Prade genah maseserep ngalintang Banjar, patut nunas bebasan ring Klihan Banjar utawi wakwakan saking Kelihan Banjar irika.
- (2) Seanan warga Banjar polih nuduk saha luwire patut atur uning ring Prajuru.
- (3) Klihan Banjar patut ngunungang/ngaturang indik dudukan punika.
- (4) Sang madruwe barang patut nyihnayang/natasang barang punika wantah druwenyane.
- (5) Prade jastos tigang sasih tan wenten Jadma ngelingin/mariyangken barang punika wenang kadruwe antuk sang nuduk.

SUKERTA TATA PALEMAHAN

Palet I

INDIK TEGAL, KARANG, SAWAH.

Pawos.88

- (1) Seanan tegal, karang lan sawah padruwean patut kapikukuhin antuk wates sane pastika nyatur Desa, mecihna antuk pagehan, tembok, punden, rurung utawi margi.
- (2) Wates karang sane majepitan, patut kategen antuk ikrama sane mahuluan kawates inucap manut purwa dresta.
- (3) Sehanan karang, tegal, sawah patut keuthayang tan wenten kebeng mangda mapemedal kemargine.

Pawos. 89

- (1) Simalih tunggil sane madrue karang, tegal lan sawah kakeninin amongan telajakan tur kapatutan kapiara utawi kabecikan minakadé;
 - a. Got-got margi/rurung sane nguwub karang paumahan.
 - b. Margi, rurung, got sane nguwub tegal lan sawahnya.
 - c. Ngingin sarwa sekar kalih taman hias ring telajakan paumahan.
- (2) Sang medrwe karang peumahan mangda nandur tetaneman sane mapi-guna ring kauripan, tur nitenin kebersihannya.
- (3) Sinalih tunggil sang medrwa karang, tegal, sawah tan keluarga :
 - a. Ngelalan tanah tegal, khayangan, tanh druwen pura, setra, margi.
 - b. Ngelalah tanah tegal, sawah, karang peumahan padruwen anaklian.
 - c. Ngebahan toyo wit wewalungan WC., toyo pewaregan kepenyandingnya.
 - d. Tan wenang nunjel awak-awakan sawa ring karang, tegal, sawah, khayangan.
 - e. Tan wenang makta barang saluwiring sane ngeletehin, karang tegal, sawah, khayangan. PaletII

INDIK PEPAYONAN.

Pawos. 90

- (1) Ngawit nandur tanem tuwuh sang madrue karang, tegal, sawah patut - Yan ring wates Khayangan, Paiben, Merajan, kelapa agung 2 depa agung.
- (2) Saluwiring entik entikan tan wenang nawenin sane ngawanan pocol anak lian yan wenten asapunika wenang kasepat gantungan ring tengahing wates sang medrue kepatutan notor/ngebah.

- (3) Tanem tuwuh sane katimbang mayanin penyanding patut ketotor miwah kaebah antuk sang medruwe mewaneng sajeroning awuku.
Yening jantos telas pewanengan taler durung kaebah sang medruwe kedanda manut peparem.
Yening sampun telas pewanengan taru punika pangkat, wit punika kebagi kalih : atenge keambil olih sang kebyanin, atenga sang medruwe tafu punika.
- (4) Prade wenten sang medruwe taru ngantos ping tiga kanikain taler durung kaebah, tur taru punika pangkat ngeninin peumahan penyanding nya, patut sang medruwe taru mecikang umah punika tur ngupakara manut dresta, tur wit punika wenang kerampas antuk sang kerubuhin.

Palet III

I N D I K W E W A N G U N A N

Pawos. 91

- (1) Sehanan wewangunan tan wenang ngawanan pocol pengadinnya, prade wenten asapunika wenang wewangunan punika kabongkar saha tan polih prabea.
- (2) Wewangunan ring telengin wates patut ngewentenang paigum ring penyangdingnya tur mesadok ring prajuru, prade memurug riwekas yan kewara antuk pengadinnya, wenang wewangunan punika kabongkar saha tan polih prabea utawi kapocolan.
- (3) Ikrama desa yening pacang ngewangunan peumahan tan dados ngerereh taru ring tengahing wana.
- (4) Penyosohan beras tan dados kewangun nampek ring paumahan, napi malih tanpa ijin saking pemerintah.

Palet IV

I N D I K W E W A L U N G A N .

Pawos. 92

- (1) Seanan Warga Desa/Banjar sane miara wewalungan patut siaga nitenin negul, ngelogor, semanden wenten ngarusak paabianan anak sewos napi malih ngantos ngeranjing ring khayangan.
- (2) Prade wenten kadi inucap ring ajeng sang medruwe memurug patut kesadokang ring prajuru.
- (3) Pan ngantos ping tiga kasadokang, ngeraris sang sane kerusiakian nyadokang ring prajuru ketiwakin pamidanda sekadi ring sor :
- a. Ngewaliang seanan sane karusak tur prabea kepocolannya manut pamutus prajuru.
 - b. Ngupakara cacaron yening ngantos ngeletehin khayangan manut pemutus prajuru.
 - c. Taler wewalungan punika ketaban manut tata cara lwire :

Wewalungan punika wenang katebus olih sang medruwe, indik agung alit panebusan katiwakang olih Prajuru Adat .

Pawos 93

1. Tan kedadosang ngalubar kalih ngangon ring :
 - a. Palemahan Khayangan, tanah Desa, Subak miwah karang anak lian.
 - b. Palemahan, margi, rurung/sunutan, alun alun setra, miwah sane seosan.
2. Prade wenten mamurug patut kadanda agung alit pedanda manut perarem.
3. Prade wenten wewalungan sane ngerusak druwen anak sewos, tur wewalungan punika kekeninin, kepademan olih sang medruwe paabiyanan sane karusak, wenang sang ngeninin kalih ngemademang ngewaliang prabeya manut peranem , tur katiwakang olih Prajuru.
4. Kandang wewalungan/ kambing tan kedadosang nampek ring paumahan, praede wenten asapunika wenang kasadokang ring Prajuru.

S A R G A. VI.

RAJA BRANA DRUWEN DESA

Pawos 94

- (1) Artha brana utawi jinah-jinah druwen Desa rumanjing saking :
- a. Peturunan.
 - b. Denda dendaan.
 - c. Sarin tahun.
 - d. Pamogpog.
 - e. usaha-usaha.
 - f. Saking bantuan Pemerintah.
 - g. miwah sane sewos sewosan.
- (2) Artha Brana Druwen Desa patut kasinahang utawi katerangan olih Prajuru Adat ring peparuman.
- (3) Prajuru Desa/Banjar patut ngawe pawilangan perancangan indik jinah jinah sane jagi rumanjing miwah sane kamedalang antuk Desa tur ketunasang pamutus ring Ikrama Desa.
- (4) Pawilangan jinah-jinah sane rumanjing miwah sanekamedalang kadi ring ajeng pinaka uger-uger utawi sepat siku-siku Iprajuru sajeroning ngemargayang usaha-usaha Desane ritepengan awarsa puniki.
- (5) Ring senangken tigang sasih IPrajuru Desa pamekas IBendes Adat patut nguningang pamargin ngenterang jinah-jinah ring ajeng, ring para pamucuk Desa utawi ring krama.

S A R G A VII

NGUWUH^A NGUWUHHIN AWIG-AWIG/PAMITEGEP AWIG AWIG.

Pawos 95

- (1) Nguwuh³-nguwuhin awig-awig Desa Adat Pengeragoan puniki kengin kelaksanayang ring peparuman Krama.
- (2) Paruman inucap mangda kdasar³in antuk pekarsan Krama Desa Adat saha kecumponin antuk 2/3 Krama sinamian.
- (3) Pemutus bebawos nguwuh-³nguwuhin Awig-awig Desa Adat Pengeragoan puniki mangda kdasar³in antuk gilik saguluk briuk siu.

Pawos 96

- (1) Paruman indik nguwuh-³nguwuhin Awig-awig kadi ring ajeng kengin kalaksanayang antuk Bendesa Adat, Kalih IKrama yadyastun diri-diri utawi sinarengan.
- (2) Daging sehanan pasuwara kalih perarem patut saeloan ring Awig-awig puniki, tur sane patut kaunggulan mekadin ipun :
- a. Rerincian penyahcah daging Awig-awig sane mabuat.

- b. Agung alit dedandan utawi panikel-panikel dedandan. .
 c. Miwah sane sewo sewosan sane ageng maka p amitegep tata
 pelaksanaan Awig-awig puniki.

S A R G A VIII

P A M U P U T.

Pawos 97

- (1) Salwiring wicara sane durung manggeh ring Awig-awig puniki, jaga
 kebawosang ring peparumman Krama Desa Adat.
 (2) Salwiring wicara sane sampun manggeh sadurung wenten Awig-awig
 puniki, patulis tan petulis kantung kemanggehang, sajawaning tung-
 kas ring daging Awig-awig puniki.

Pawos 98

Awig-awig puniki kewastanin " AWIG-AWIG DESA ADAT Pengeragoan ",
 KECAMATAN PEKUTATAN, KABUPATEN DAERAH TINGKAT II JEMBRANA, keraremin tur
 kamanggehang duk Rahina
 Wara, Sasih, titi
, Içaka warsa :
 Tanggal bulan masehi 14 November 1984

OM ÇANTHI, ÇANTHI, ÇANTHI OM.

PRAJURU DESA ADAT Pengeragoan
 Bauh Tukad

PARUMAN PEMUCUK
DESA ADAT Pengeragoan

I. STAF PIMPINAN PARUMAN.

- | | |
|---------------------------|-----------------|
| 1. I Ketut Pugeg Baliyasa | : Penasehat |
| 2. I Nengah Bantra | : Ketua I |
| 3. I Made Sarka | : Sekretaris I |
| 4. I Made Margana | : Sekretaris II |
| 5. I Nyoman Asnawi | : Bendahara |

II. PARUMAN PEMUCUK PRAHYANGAN.

- | | |
|------------------------|-----------|
| 6. I Ketut Dana | : Ketua |
| 7. I Wayan Sarjana | : Pelapor |
| 8. I Ketut Jelun | : Anggota |
| 9. I Nengah Kolem | : " |
| 10. I Ketut Maruta | : " |
| 11. I Wayan Yantil | : " |
| 12. Mangku Dana | : " |
| 13. Mangku Gde Wirawan | : " |
| 14. Mangku Suka | : " |
| 15. I Wayan Sandra | : " |

III. PARUMAN PEMUCUK PAWONGAN.

- | | |
|-----------------------|-----------|
| 16. I Made Pandu Yasa | : Ketua |
| 17. I Nengah Wirta | : Pelapor |
| 18. I Nyoman Berandi | : Anggota |
| 19. I Wayan Pigum | : " |
| 20. I Nengah Gejer | : " |
| 21. I Nengah Wirat | : " |
| 22. I Wayan Ragug | : " |
| 23. I Ketut Mager | : " |
| 24. I Made Sigra | : " |
| 25. I Made Sudinca | : " |

IV. PARUMAN PAMUCUK PALEMAHAN.





- | | |
|----------------------|-----------|
| 26. I Wayan Kayun | : Ketua |
| 27. I Nyoman Kari | : Pelapor |
| 28. I Nengah Geredeg | : Anggota |
| 29. I Nyoman simpen | : " |
| 30. Pan Wesni | : " |
| 31. I Made Kuwat | : " |
| 32. I Made Cebur | : " |
| 33. Mangku Lodri | : " |
| 34. Pan Sungarsi | : " |
| 35. I Nengah Simpang | : " |

LINGGA TANGAN PARUMAN PEMUCUK.

DESA ADAT Pengeragoan




I. STAF PIMPINAN PARUMAN.

- | | | |
|--------------------|-----------------|----|
| 1. I Nengah Bantra | : Ketua | 1. |
| 2. I Made Sarka | : Sekretaris I | 2. |
| 3. I Made Margana | : Sekretaris II | 3. |
| 4. I Nyoman Anawi | : Bendahara | 4. |

1. 
2. 
3. 
4. 




II. PARUMAN PEMUCUK PRAHYANGAN.

- | | | |
|--------------------|-----------|----|
| 5. I Ketut Dana | : Ketua | 5. |
| 6. I Wayan Sarjana | : Pelapor | 6. |
| 7. I Wayan Sandra | : Anggota | 7. |

5. 
6. 
7. 

III. PARUMAN PEMUCUK PAWONGAN.

- | | | |
|----------------------|-----------|-----|
| 8. I Made Pandu Yasa | : Ketua | 8. |
| 9. I Nengah Wirta | : Pelapor | 9. |
| 10. Inengah Wirat | : Anggota | 10. |

8. 
9. 
10. 

IV. PARUMAN PEMUCUK PALEMAHAN.

- | | | |
|-------------------|--------------|-------|
| 11. I Wayan Kayun | : Ketua | I 11. |
| 12. I Nyoman Kari | : Pelapor II | 12. |
| 13. Pan Sungarsi | : Anggota | 13. |

I 11. 
12. 
13. 


UPASAKSI.




Kepala Desa Pengeragoan



(Ketut Pugeg Baliyasa)

LWIR SANG NGELINGGA TANGANIN.


 BENDESA ADAT Pengeragoan
 NENGHAH BANTRA)

MURDHANING PAMUPUT


 Ida Pd Bd Kemenuh.


 MURDHANING PAMIKUKUH
 BUPATI KEPALA DAERAH TINGKAT II
 J E M B R A N A

 (Drs. IDA BAGUS ARDANA)